

## Ordinaziun da funs

### Art. 1 Dretg da transitar e da carrar per la cultivaziun agricola

- <sup>1</sup> Maunca ad in bein immobiliar la via necessaria per la cultivaziun agricola sco colligiazion tier ina via publica ni tier ina via da funs, vala per quei bein il dretg da transitar e da carrar ils beins immobiliars vischinonts per la cultivaziun agricola (cultivaziun e raccolta). Quei dretg vala era durant il temps da vegetaziun.
- <sup>2</sup> Il dretg da transitar e da carrar per la cultivaziun agricola vala era senza impurtaziun sco servitut el register funsil e sedrezza enviers quei proprietari dil bein immobiliar vischinont, al qual la grevezia ei il pli pauc da donn.
- <sup>3</sup> Igl exercezi dil dretg da transitar e da carrar ha da succeder senza donnegiar la proprietad digl engreviau e tenor isonza locala. Eventuals donn che sedattan ord il diever digl access ein da refer ni d'indemnisar entras il caschunader.
- <sup>4</sup> Las determinaziuns cheu sura valan era per la raccolta da lenna, la quala ha da succeder durant il temps da vegetaziun minimala.

### Art. 2 Vigur

Questa ordinaziun ei vegnida approbada entras la radunonza communal dil 5 da december 2022 e passa en vigur igl 1. da schaner 2023.

#### Per la suprastonza communal



Il president communal  
Dumeni Tomaschett



La canzlista communal  
Sandra Gautschi